

SA's Leading Past Year

Exam Paper Portal

STUDY

You have Downloaded, yet Another Great Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexampapers.co.za



SA EXAM
PAPERS



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

KEREITE YA 12

SESOTHO PUO YA TLATSETSO YA PELE (FAL)

PAMPIRI YA BORARO (P3)

PUDUNGWANA 2014

MATSHWAO: 100

NAKO: dihora tse 2½

Pampiri ena e na le maqephe a 6.


DITAELO HO MOHLAHLAHOBUWA

1. Pampiri ena e arotswe DIKAROLO tse THARO, e leng:
KAROLO YA A: Moqoqo (50)
KAROLO YA B: Ditema tsa kgokahano tse telele (30)
KAROLO YA C: Ditema tsa kgokahano tse kgutshwane (20)
2. O lokela ho araba potso E LE NNGWE karolong E NNGWE le E NNGWE.
3. Araba dipotso TSOHLE ka Sesotho.
4. Qala karolo E NNGWE le E NNGWE leqepheng LE LETJHA, mme o sehe mola qetellong ya karolo ka nngwe.
5. Karolong e NNGWE le e NNGWE o tlameha ho etsa moralo wa ho ngola (ka ho iketsetsa mmapa wa monahano, daekramo, tjhate, lenane la dintlha tseo o tla ngola ka tsona). Boela o lekole botjha mosebetsi wa hao, ho o lokisa diphoso. Moralo wa hao o tle/hlahe PELE ho tema e nngwe le e nngwe.
6. Meralo yohle e totobatswe hantle hore ke meralo.
7. O eletswa ho sebedisa:
Metsotso e 80 ho araba KAROLO YA A
Metsotso e 40 ho araba KAROLO YA B
Metsotso e 30 ho araba KAROLO YA C
8. Nomora dikarabo tsa hao feela jwalo ka ha dipotso di nomorilwe pampiring ya dipotso.
9. Ngola sehlooho se loketseng potso eo o e kgethileng.
10. Sehlooho se se ke sa balellwa ha ho balwa palo ya mantswe.
11. Ngola ka mongolo o makgethe o balehang.

KAROLO YA A: MOQOQO**POTSO YA 1**

Kgetha sehlooho SE LE SENG, mme o ngole moqoqo wa boelele ba mantswe a 250 ho isa ho a 300. Ha o kgethile ho ngola ka setshwantsho, o nehe moqoqo wa hao sehlooho. Hopola ho etsa moralo, mme o be o boele o lekole moqoqo wa hao botjha ho hlaola diphoso.

- 1.1 Moputso wa ho se mamele batswadi. [50]
- 1.2 Ruri motho ke motho ka batho. [50]
- 1.3 Bobe ba mangolo a ho kganna a seng molaong. [50]
- 1.4 Botle le bobele ba tshebediso ya dikhemera ka diphaposing tsa borutelo. [50]
- 1.5 Tharollo tlhokehong ya mesebetsi batjheng. [50]
- 1.6 Sheba setshwantsho mme o qoqe ka seo setshwantsho se se qholotsang maikutlong a hao. Neha moqoqo wa hao sehlooho.



[Se qotsitse ditshwantshong tsa [gadget photo review.com](http://gadgetphoto.com)]

[50]

1.7 Sheba setshwantsho mme o qoqe ka seo setshwantsho se se qholotsang maikutlong a hao. Neha moqoqo wa hao sehlooho.



[Se qotsitswele ho lokiswa ho tswa bukeng ya *Mothopo* Kereite ya 11, Fona Mabusetsa le ba bang]

[50]

1.8 Sheba setshwantsho mme o qoqe ka seo setshwantsho se se qholotsang maikutlong a hao. Neha moqoqo wa hao sehlooho.



[Se qotsitswe koranteng ya *The Star*, Loetse 2013]

[50]

MATSHWAO OHLE A KAROLO YA A: 50

KAROLO YA B: DITEMA TSA KGOKAHANO TSE TELELE**POTSO YA 2**

Kgetha mme o ngole tema E LE NNGWE ya bolelele ba mantswe a 120 ho isa ho a 150. Hopola ho etsa moralo, mme o be o boele o lekole tema ya hao botjha ho hlaola diphoso.

2.1 Lengolo

Batswadi ba hao ba hlokahetse o sa le monyane ya ba o hodiswa ke malomao. Mo ngolle **lengolo** la teboho o mo lebohe ka kgodiso e ntle eo a o fileng yona.

[30]

2.2 Obitjhuari

Moahisane wa hao o hlokahalletswe ke e mong wa leloko, mme o kopuwe ho ngola tsa bophelo ba mofu eo. Ngola **obitjhuari** e felletseng ya tsa bophelo ba hae.

[30]

2.3 Lenanetsamaiso le metsotso ya kopano

O mongodi mokgatlong wa batjha wa setso le botjhaba motseng wa heno. Ngola **lenanetsamaiso le metsotso ya kopano** e neng e tshwerwe.

[30]

2.4 Puisano

Marangrang a dikgokahano a tswetse pele mehleng ena, mme sena se nolofaditse dikamano pakeng tsa metswalle. Ngola **puisano** e pakeng tsa baithuti ba babedi ba phehisang ka botle le bobele ba marangrang a dikgokahano.

[30]**MATSHWAO OHLE A KAROLO YA B:****30**

KAROLO YA C: DITEMA TSA KGOKAHANO TSE KGUTSHWANE**POTSO 3**

Kgetha mme o ngole tema E LE NNGWE ya bolelele ba mantswe a 80 ho isa ho a 100. Hopola ho etsa moralo, mme o be o boele o lekole tema ya hao botjha ho hlaola diphoso.

3.1 Phousetara

Ba yunivesithi e itseng ba etela motseng wa heno ho tla eletsa baithuti ba Kereite ya 12, ka kgetho ya makala a thuto ao ba ka a latelang. Ngola **phousetara** eo ho yona o tsebisang baithuti ka ketelo eo.

[20]

3.2 Posekarete

Lelapa leno le etetse sebakeng se setle se hohelang. Ngolla motswalle wa hao **posekarete** o mo hlalositse ka botle ba sebaka sena.

[20]

3.3 Ditshupiso

O setse le ngwaneno, mme ka bomadimabe o se o kula ka tshohanyetso. Ngola ditshupiso o laele mokganni wa ambulense ho tloha sepetlele ho tla fitlha lapeng leno. Laela mokganni wa ambulense ho fihla heno o ikanahantse le tse lateng:

- holo ya motse
- renke ya ditekisi
- matshwao a tsela
- lebenkele la Siyaobutse
- sekolo se phahameng sa Mahlabatheng.

[20]**MATSHWAO OHLE A KAROLO YA C:****20****MATSHWAO OHLE:****100**